

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO OKOLIŠA I TURIZMA

Sarajevo, 19.01.2022.

N/r: g-đa Edita Đapo, ministrica
VEZA: Vaš akt broj: 06-02-22-492-1, 493-2/16/21
PREDMET: Mišljenje, dostavlja se

Broj: 46/22
Federacija Bosne i Hercegovine
FEDERALNO MINISTARSTVO OKOLIŠA I TURIZMA

Primljeno: 21-01-2022		
Org. jed.	Broj	Prilog
06-02-22-492-1		

Poštovana,

Federalno ministarstvo okoliša i turizma je aktom broj: 06-02-22-492-1 od 22.12.2021. godine zatražilo mišljenje Saveza općina i gradova FBiH na Nacrt zakona o turizmu Federacije BiH i Nacrt zakona o boravišnoj taksi Federacije BiH, kao i mišljenje o fiskalnoj procjeni pomenutih akata sa pripadajućim obrazscem IFP-DA.

Primjedbe i prijedloge na pomenute nacрте zakona i fiskalni procjenu su dostavile sljedeće članice: Grad Tuzla, Grad Gračanica, Općina Kalesija, Općina Olovo i Općina Travnik koje dostavljamo u prilogu.

Po pitanju Vašeg poziva za konzultacijama o Nacrtu zakona o turizmu Federacije BiH i Nacrtu zakona o boravišnoj taksi Federacije BiH, *Savez općina i gradova FBiH* traži da se u najvećoj mogućoj mjeri uvažе sva mišljenja, primjedbe, komentari i stavovi jedinica lokalne samouprave u Federaciji BiH.

Dostavljeno:

- Naslovu
- a/a

DIREKTOR SAVEZA

Vesna Trayljanin



Musala 5/1 71000 Sarajevo

Tel: +387 (0)33 216 502; +387 (0)33 209 024; +387 (0)33 209 120; +387 (0)33 552 811

Fax: +387 (0)33 552 810; +387 (0)33 216 502 / Email: savez@sogfbih.ba / Web: www.sogfbih.ba



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA KALESIJA
OPĆINSKI NAČELNIK



Broj:02-02-27/22
Datum:13.01.2022.godine

SAVEZ OPĆINA I GRADOVA FEDRACIJE BiH

Predmet: Mišljenje

Poštovani,

Shodno Vašem mailu od 10.01.2022.godine obavještavamo Vas da se slažemo sa fiskalnom procjenom kod Nacrt Zakona o boravišnoj taksi, obzirom da se iz navedene fiskalne procjene vidi da općinama pripada 80% od ukupno prikupljenih sredstava.

Kada je u pitanju fiskalna procjena kod Nacrta Zakona o turizmu FBiH ista iskazuje negativan saldo, što po našem mišljenju nije prihvatljivo za Općinu Kalesija.

S poštovanjem,



Dostavljeno:
1. Savez općina i gradova FBiH
2. a/a

Ul. Patriotske lige br.15. 75260 Kalesija, Telefon: ++387 35 367-700, fax: ++387 35 631-286,
ID broj:4209305600009, Transakcijski račun: 338-650-2246644295 kod UniCredit Bank d.d. Mostar
E-mail: opcina@kalesija.ba, web: www.kalesija.ba

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADONAČELNIK
Broj: 02-07-01-2022
Tuzla, 14.01.2022. godine

SAVEZ OPĆINA I GRADOVA FEDERACIJE BiH
Ul. Musala br. 5/1
71 Sarajevo

PREDMET: Mišljenje na Nacrt Zakon o turizmu Federacije BiH, Nacrt Zakona o boravišnoj taksi Federacije BiH i fiskalnoj procjeni s pripadajućim obrascem: IFP-DA - dostavlja se

VEZA: Akt Federalnog ministarstva okoliša i turizma broj: 06-02-22-492-1, 493-2/16- /21 od 22.12.2021. godine

Poštovani,

povodom zahtjeva Federalnog ministarstva okoliša i turizma, broj i datum gornji, a kojim se u vezi doradenog *Nacrta Zakona o turizmu Federacije BiH kao i Nacrta Zakona o boravišnoj taksi* (koje je Vlada Federacije BiH aktom broj: 03-02-1141/2016, 03-02-991/2016 od 23.09.2019. godine povukla iz procedure, radi dorade) od Saveza općina i gradova Federacije BiH najkasnije do 21.01.2022. godine traži *mišljenje*, kao i *mišljenje* o fiskalnoj procjeni s pripadajućim obrazcem: IFP-DA, u skladu sa Pravilnikom o proceduru za izradu izjeve o fiskalnoj procjeni zakona drugih propisa i akata planiranja na budžet („Sl. novine Federacije BiH“, br. 34/16); to Vam se ovim putem ispred Grada Tuzle uredno i blagovremeno dostavlja traženo *mišljenje/komentari* o naprijed navedenim aktima, kako slijedi:

1) Na Nacrt Zakona o turizmu Federacije BiH, daju se sljedeće primjedbe/komentari:

- u članu 2. pod „Osnovi pojmovi“- definistati pojam „nadležni organ“,
- u članu 18. definisati na koji način fizičko lice može obavljati usluge putničkih agencija, da li kao osnovno, i/ili dopunsko, i/ili dodatno zanimanje,
- u članu 25. dodati tačku f. - Izjavu o ispunjavanju minimalno tehničke opremljenosti,

- u članu 33. stav 3. - taksativno navesti uslove koje fizičko lice treba ispunjavati za organizatora turističkog putovanja,
- u članu 41.-taksativno navesti uslove koje fizičko lice treba ispunjavati za posrednika aranžmana, te na koji način može obavljati navedenu djelatnost,
- u članu 45. definisati nadležnost organa u postupka izdavanja odobrenja za rad. Naime, navedenim članom propisano je da turistički vodič koji pruža usluge samostalno kao osnovno, dopunsko ili dodatno zanimanje, mora imati odobrenje za rad izdato od strane nadležnog organa jedinice lokalne samouprave u skladu sa propisima koji regulišu obavljanje obrtničke djelatnosti. Članom 14. Zakona o obrtu i srodnim djelatnostima u Federaciji Bosne i Hercegovine ("Sl. novine Federacije BiH", br. 75/21) propisano je da se sjedište firme određuje po mjestu u kojem se obrt obavlja. Prethodno navedeno ne bi bilo sporno, da u članu 46. stav 3. Zakona nije navedeno da turistički vodič koji je upisan u registar kod nadležnog organa prema mjestu svog prebivališta, može pružati usluge na teritoriji Federacije BiH, ukoliko posjeduje uvjerenje o položenom stručnom ispitu za kanton na čijem području pruža usluge i iskaznicu turističkog vodiča izdatu od strane kantonalnog organa nadležnog za poslove turizma.
Dakle, prethodno navedena odredba je u koliziji sa Zakonom o obrtu i srodnim djelatnostima u Federaciji BiH, te je neophodno odrediti tačnu nadležnost organa lokalne samouprave u pogledu donošenja odobrenja za rad svih vrsta turističkih usluga i kroz poseban član propisati da li fizičko lice koje je položilo ispit za turističkog vodiča kod Federalnog Ministarstva turizma i okoliša, navedene usluge može pružati na nivou Federacije BiH, na nivou jedinica lokalne samouprave (jedne općine/grada) ili možda više kantona, te kako se u slučaju pružanja navedenih usluga na području više općina/gradova, određuje nadležnost za donošenje predmetnog odobrenja,
- u član 51. ostaje nejasno na koji način će se odrediti područje na kojem će turistički vodič obavljati poslove, ukoliko nije propisano da uz zahtjev (član 46.) dostavlja i iskaznicu nadležnog kantonalnog organa,
- u članu 64. stav 2. tačka c. definisati oblik materijalnog dokaza, na osnovu kojeg stranka može dokazati raspoloživa sredstva za pružanje usluga i dokazom o vrijednosti sredstava,
- u članu 65. tačku b. "jedinstveni identifikacioni broj" brisati, obzirom da u momentu izrade odobrenja za rad, stranka ne posjeduje ID broj, isti se pribavlja nakon izdavanja pravosnažnog odobrenja rad. U istom članu definisati tačku d. (veza primjedba na član 51.).
- Napominjemo da Nacrtom Zakona o turizmu u Federaciji BiH (decembar 2021.), Federalna vlast predviđenim zakonskim rješenjima, turističke zajednice lišava najznačajnijeg prihoda. S tim u vezi, dovodi se u pitanje i opstanak ovih pravnih lica čiji je glavni zadatak i cilj - razvoj i unapređenje ove značajne privredne grane.

Važeća zakonska regulativa u oblasti turizma u R. Hrvatskoj, kao državi članici Evropske unije, koja prati Direktive EU i oslanjajući se na zakonska rješenja austrijskog i

nizozemskog pravnog sistema, zadržava članski doprinos – članarinu, kao glavni izvor prihoda shodno Zakonu o članarinama u turističkim zajednicama – NN 52/19 i 144/20.

Isto tako, prema Zakona o turističkim zajednicama i promicanju hrvatskog turizma NN 42/20, člankom 33. stav (4) i člankom 59., propisano je, između ostalog, da su prihodi turističkih zajednica: turistička pristojba i turistička članarina, sukladno posebnim propisima koji ovu kategoriju uređuju.

Predloženim Nacrtom, rješenja koja se tiču osnivanja, prihodovanja, poslovanja i zadataka turističkih zajednica, smatramo manjkavim jer dovode u pitanje održivost kako ovih pravnih lica, tako i cjelokupnog turističkog sektora, kao i neadekvatnim u smislu posljedica koje bi mogle proizaći kako za turističke zajednice, tako i za ostale subjekte u turizmu, koji posluju u skladu sa kantonalnim zakonom o turističkim zajednicama, i to kako slijedi:

- a) Članom 2. Nacrta Zakona o turizmu u FBH (u daljem tekstu: Nacrt), predviđen je upis turističkih zajednica u sudski registar. Ovo rješenje unijelo bi dodatnu konfuziju i nagomilane administrativne procedure, obzirom da su do sada osnovane kantonalne i turističke zajednice općina i gradova upisane u Upisnik turističkih zajednica koje vodi resorno Ministarstvo (Ministarstvo trgovine, turizma i saobraćaja TK);
- b) Članom 10. predviđeni su poslovi od posebnog značaja za turizam, čija realizacija već na prvi pogled zahtijeva ogromna finansijska sredstva, bez kojih će, primjenom člana 74. Nacrta, turističke zajednice ostati u smislu ukidanja članskog doprinosa turističkim zajednicama.
- c) U članu 11. Nacrta, utvrđuje se da se poslovi iz člana 10. Zakona mogu povjeriti na obavljanje pravnim licima odlukom Vlade FBiH, po provedenom postupku nakon objavljenog javnog poziva, a članom 73. predviđa se da turističke zajednice mogu upravljati turističkom infrastrukturom jedinice lokalne samouprave, turističkog prostora ili mjesta, odlukom osnivača, kao i upravljati prirodnim dobrima i resursima, također datim na upravljanje odlukom osnivača. Ostaje nejasno kako i na koji način turističke zajednice ustvari mogu upravljati navedenim. Da li odlukama osnivača nakon provedenog javnog poziva, ili?
- d) U članu 56. stav (2) utvrđuje se da turističke usluge mogu pružati pravna lica koja ispunjavaju uslove za obavljanje turističke djelatnosti i fizička lica upisana u registar nadležnog organa u skladu sa propisima kojim se reguliše obavljanje obrtničke djelatnosti, kao i lica upisana u druge registre u skladu sa propisima.

Ovakvo rješenje prouzrokovati će dodatne probleme u smislu nejasnog statusa do sada registrovanih fizičkih lica koja iznajmljuju smještajne kapacitete i koji su registrovani izdavanjem Rješenja o ispunjavanju minimalno-tehničkih uslova od strane nadležnog organa jedinice lokalne samouprave, a na osnovu pribavljenog zvaničnog stava Porezne

uprave Federacije BiH, u kojem se konstatuje da izdavanje smještajnih kapaciteta nije djelatnost niti obrt, pa samim time ne podliježe propisima koji regulišu djelatnost niti obrt, a što je i naglašeno aktom Federalnog ministarstva okoliša i turizma, broj: 06-22-223/08 od 28.02.2018. godine. U istom aktu navedeno je da se kod iznajmljivača koji pružaju usluge smještaja, utvrđuju samo minimalno-tehnički uslovi i uslovi za kategoriju (vrsta i kategorija), a ne izdaje se odobrenje za rad.

Način i postupak zdavanja Rješenja o odbrenju za rad predviđeno je članovima 64. – 68. predmetnog Nacrta. Sve navedeno zaista unosi nedoumice i skoro sigurno će prouzrokovati nejasnoće i zastoje u jasnom definisanju ove problematike.

Od osnivanja Turističke zajednice grada Tuzle do danas, primjetan je pomak u smanjenju nelojalne konkurencije i prisustva „sive ekonomije“ u ovom sektoru u našem gradu, obzirom da je primjetan interes našeg građanstva za registraciju svojih smještajnih kapaciteta, a nekolicina jesu korisnici mirovine, kojima bi ovakvo rješenje predviđeno Nacrtom zakona, onemogućilo pružanje usluga smještaja i na taj način generisanje dodatnih prihoda.

-članom 71. Nacrta Zakona, izostavljene su turističke zajednice područja, koje se mogu organizovati modelom DMO-a, a koji je, opet, predviđen Nacrtom Zakona u članu 2. tačka z) i članu 83.

-u članu 74., glavni prihod i osnov za dalje unapređenje i ulaganje u turizam, članski doprinos, izostavljen je. Nije teško zaključiti da ovo rješenje nije povoljno i ne ide u korak sa ciljem održivog razvoja turizma u Federaciji BiH, obzirom da su, od stupanja na snagu Zakona o turističkim zajednicama Tuzlanskog kantona u 2015. godini, većina gradova i općina sa prostora Kantona osnovale svoje turističke zajednice, te se postavlja pitanje dostatnosti ostalih prihoda, koji, kako stvari stoje, neće biti dovoljni niti za tekuće poslovanje, a što dalje vodi ugroženosti mnogih radnih mjesta koja su na ovaj način otvorena. Prema tome, turističke zajednice na prostoru Tuzlanskog kantona gotovo da sigurno neće moći doprinijeti razvoju turizma u destinaciji.

Dalje, kada se sagledaju sveukupna rješenja predviđena Nacrtom, a vezana su za osnivanje i finansiranje turističkih zajednica, postavlja se pitanje kako će općine ili gradovi sa manjim budžetima, uspjeti finansirati rad ovih pravnih lica. To dalje vodi upitnosti postojanja osnovanih turističkih zajednica na nivou jedinica lokalne samouprave, a s tim u vezi i rad na unapređenju ukupnog turističkog proizvoda. Time se upravo direktno utiče na nemogućnost održivosti ove, za Tuzlanski kanton, možda i najznačajnije privredne grane i direktnoj ugroženosti radnih mjesta.

Mišljenja smo da članski doprinos treba postojati, upravo kao širi izvor finansiranja rada turističkih zajednica, a koji bi svakako bio podložan promjenama koje bi značile uspostavu modaliteta koji bi bio prihvatljiv za sve obveznike, i u skladu sa djelatnostima koje isti obavljaju.

Danas razvoj turizma u BiH, pa i u Federaciji, rezultat je organskog rasta i inicijative uglavnom privatnog sektora koji često nastupa na tržištu samostalno s malim stepenom

integracije i inovacija. Dugoročni razvoj žrtvujemo radi kratkoročnih aktivnosti, a često smo vođeni i interesima privatnih investitora, a ne zajednice. Činjenica je da privatni i javni sektor nemaju kompatibilne ciljeve, a ciljevi privatnih investitora i jesu - profit nasuprot javnog dobra.

Turizam kao najbrže rastuća privredna grana u Tuzlanskom kantonu zaslužuje više „sluha“ i političke podrške. Sektor turizma stoga zahtijeva hitnu podršku i posebne pakete za ublažavanje posljedica, kako bi se održala radna mjesta i osigurali tržišni kapaciteti, u toku i nakon prestanka vandrednog stanja.

Svjetska turistička organizacija Ujedinjenih naroda (UNWTO) u svojim dokumentima #Travel Tomorrow – Potpora očuvanju radnih mjesta i gospodarstvu kroz putovanja i turizam i Poziv na akciju za ublažavanje društveno-gospodarskog učinka virusa Covid-19 i ubrzanje oporavka, upravo daje zadatak nacionalnim vladama da na sve moguće načine podstaknu i ubrzaju oporavak ove značajne privredne grane.

2) Na Nacrt Zakona o boravišnim taksama, daju se sljedeće primjedbe/komentari:

Nacrtom Zakona o boravišnoj taksi FBiH iz decembra 2021. godine (u daljem tekstu: Nacrta), odnosno njegovim odredbama, još više su prisutne nedoumice. Naročito zbog toga što:

1. Članom 10. Nacrta Zakona, utvrđuje se a se sredstva prikupljena po osnovu boravišne takse uplaćuju na račun javnih prihoda Federacije, kantona i jedinica lokalne samouprave i vode se na posebnom namjenskom računu budžeta Federacije BiH. Boravišna taksa je do sada predstavljala direktan prihod turističke zajednice, i mišljena smo da tako treba i ostati.
2. Članom 11. stav (2) Nacrta utvrđuje se da su jedinica lokalne samouprave, kanton i Federacija obavezni odrediti račun posebnih namjena na koji će se ova sredstva doznavačavati, što predstavlja komplikacije u smislu dodatnih administrativnih procedura i neefikasnosti u poslovanju.
3. Članom 12. stav (3) utvrđeno je da se sredstva prikupljena po osnovu boravišne takse ne mogu koristiti za finansiranje troškova materijalnog poslovanja turističkih organizacija (ne organizacija, nego zajednica) niti za isplatu plata i ostalih naknada zaposlenima u turističkim zajednicama. Mišljena smo da ovakvo rješenje nije povoljno, upravo zbog postojanja gradova i općina koje operiraju sa skromnijim budžetima, i kojima će finansiranje troškova na ime isplata plata i drugih naknada zaposlenicima turističkih zajednica, biti značajno opterećenje.
4. U pregledu prihoda Turističke zajednice grada Tuzle, vidljivo je da pripadajući iznos boravišne takse iznosi nešto više od 10% ukupnog budžeta, tako da se postavlja pitanje hoće li se radna mjesta u ovim pravnim licima uopšte moći održati, i ako da, na

koji način!? To dovodi do neizvjesnosti za sve zaposlenike turističkih zajednica, od kojih su većina mladi i školovani ljudi, i kojima bi ovakvim rješenjima, bila dovedena u pitanje radna mjesta.

5. Rješenje koje bi eventualno bilo povoljnije, jeste prenamjena utroška sredstava ostvarenih na ime boravišne takse, na način da se na dio tih sredstava utvrdi procenat u okviru kojeg će se ova sredstva moći koristiti troškove plata i drugih naknada zaposlenika.

-Konačno, turizam u cijelom svijetu uključuje razvojne mogućnosti, promoviše solidarnost i razumijevanje preko granica, dok domaći turizam pomaže jačanju kohezije unutar naroda. Nadalje, ovaj sektor igra ključnu ulogu u usmjeravanju napora za očuvanje i promicanje prirodne i kulturne baštine te zaštite okoline.

Sve ovo čini još potrebnijom činjenicu da se globalni turistički sektor podrži i u vremenu krize, a to je posebno važno jer globalna zajednica, prema procjenama, ima tek 10 godina za dostizanje 17 ciljeva održivog razvoja (COR), a koji su navedeni u Agendi 2030. Radi se o takozvanom „Desetljeću djelovanja“, u okviru kojeg turizam može izaći iz trenutne krize kao još važniji doprinositelj provedbi COR-a. (Izvor: *UNWTO*)

U nadi da će se dostavljenim mišljenjem, odnosno komentarima/ prijedlozima, primjedbama i sugestijama na konstruktivan način doprinjeti i dati aktivan doprinos izradi što kvalitetnijih prijedloga navedenih zakona, primite srdačne pozdrave.

S poštovanjem,

Dostavljeno:

1. Naslovu,
2. Evidencija,
3. Arhiva.



BOSNA I HERCEGOVINA
FEDERACIJA BiH
TUZLANSKI KANTON
GRAD GRAČANICA
GRADONAČELNIK

Br. 02-04-sl-2022

Datum: 17.01.2022. godine

SAVEZU OPĆINA I GRADOVA FEDERACIJE BiH
KLUBOVIMA POLITIČKIH STRANAKA I
POSLANICIMA IZBORNE JEDINICE GRADA GRAČANICA
U PARLAMENTU FEDERACIJE BiH

Predmet: Izjašnjenje Gradonačelnika Gračanice o Nacrtu Zakona o turizmu Federacije BiH i Zakona o boravišnoj taksi

Poštovani,

Savezu općina i gradova FBiH dostavljeno je od strane Federalnog ministarstva okoliša i turizma na davanje mišljenja od strane općina i gradova u Federaciji BiH Nacrt Zakona o turizmu Federacije BiH i Nacrt zakon o boravišnoj taksi Federacije BiH.

Na dostavljeni tekst Nacrta Zakona Gradonačelnik Grada dostavlja sljedeće:

NACRT ZAKONA O TURIZMU U FEDERACIJI BiH

Nacrtom Zakona o turizmu u Federaciji BiH (decembar 2021.), Federalna vlast predviđenim zakonskim rješenjima, turističke zajednice lišava najznačajnijeg prihoda. S tim u vezi, dovodi se u pitanje i opstanak ovih pravnih lica čiji je glavni zadatak i cilj - razvoj i unapređenje ove značajne privredne grane.

Naprimjer, važeća *zakonska regulativa u oblasti turizma u Hrvatskoj*, kao državi članici Evropske unije, koja prati Direktive EU i oslanjajući se na zakonska rješenja austrijskog i nizozemskog pravnog sistema, zadržava članski doprinos – članarinu, kao glavni izvor prihoda shodno *Zakonu o članarinama u turističkim zajednicama – NN 52/19 i 144/20*.

Isto tako, prema *Zakona o turističkim zajednicama i promicanju hrvatskog turizma NN 42/20*, člankom 33. stav (4) i člankom 59., propisano je, između ostalog, da su prihodi turističkih zajednica: turistička pristojba i turistička članarina, sukladno posebnim propisima koji ovu kategoriju uređuju.

Predloženim Nacrtom, rješenja koja se tiču osnivanja, prihodovanja, poslovanja i zadataka turističkih zajednica, smatramo manjkavim jer dovode u pitanje održivost kako ovih pravnih lica, tako i cjelokupnog turističkog sektora, kao i neadekvatnim u smislu posljedica koje bi mogle proizaći kako za turističke zajednice, tako i za ostale subjekte u turizmu, koji posluju u skladu sa kantonalnim zakonom o turističkim zajednicama, i to kako slijedi:

1. U članu 2. pod „Osnovi pojmovi“ potrebno je definisati pojam „nadležni organ“. Istim članom, tačka v) Nacrta Zakona o turizmu u Federaciji BiH predviđen je upis turističkih zajednica u sudski registar. Ovo rješenje unijelo bi dodatnu konfuziju i nagomilane administrativne procedure, obzirom da su do sada osnovane kantonalne i turističke zajednice općina i gradova upisane u Upisnik turističkih zajednica koje vodi resorno Ministarstvo (Ministarstvo trgovine, turizma i saobraćaja TK);
2. Članom 10. Nacrta predviđeni su poslovi od posebnog značaja za turizam, čija realizacija već na prvi pogled zahtijeva ogromna finansijska sredstva, bez kojih će, primjenom člana 74. Nacrta, turističke zajednice ostati u smislu ukidanja članskog doprinosa turističkim zajednicama.;
3. U članu 11. Nacrta, utvrđuje se da se poslovi iz člana 10. Zakona mogu povjeriti na obavljanje pravnim licima odlukom Vlade Federacije BiH, po provedenom postupku nakon objavljivanja javnog poziva, a članom 73. predviđa se da turističke zajednice mogu upravljati turističkom infrastrukturom jedinice lokalne samouprave, turističkog prostora ili mjesta, odlukom osnivača, kao i upravljati prirodnim dobrima i resursima, također datim na upravljanje odlukom osnivača. Ostaje nejasno kako i na koji način turističke zajednice ustvari mogu upravljati navedenim. Da li odlukama osnivača nakon provedenog javnog poziva, ili....?;
4. U članu 18. Nacrta potrebno je definisati na koji način fizičko lice može obavljati usluge putničkih agencija, da li kao osnovno, i/ili dopunsko, i/ili dodatnom zanimanju;
5. U članu 25. Nacrta dodati tačku f.) Izjavu o ispunjavanju minimalno tehničke opremljenosti;
6. U članu 33. stav (3) Nacrta potrebno je taksativno navesti uslove koje fizičko lice treba ispunjavati za organizatora turističkog putovanja;
7. U članu 41. Nacrta, potrebno je taksativno navesti uslove koje fizičko lice treba ispunjavati za posrednika aranžmana, te na koji način može obavljati navedenu djelatnost;
8. U članu 45. Nacrta potrebno je definisati nadležnost organa u postupka izdavanja odobrenja za rad. Naime, navedenim članom propisano je da turistički vodič koji pruža usluge samostalno kao osnovno, dopunsko ili dodatno zanimanje, mora imati odobrenje za rad izdato od strane nadležnog organa jedinice lokalne samouprave u skladu s propisima koji regulišu obavljanje obrtničke djelatnosti;
9. Članom 44. Zakona o obrtu i srodnim djelatnostima u Federaciji Bosne i Hercegovine („Sl. novine Federacije BiH“, br. 75/21), propisano je da se sjedište firme određuje po mjestu u kojem se obrt obavlja. Prethodno navedeno ne bi bilo sporno, da u članu 46. stav (3) Zakona nije navedeno da turistički vodič koji je upisan u registar kod nadležnog organa prema mjestu svog prebivališta, može pružati usluge na teritoriji Federacije BiH ukoliko posjeduje uvjerenje o položenom stručnom ispitu za rad na čijem području pruža usluge i iskaznicu turističkog vodiča izdatu od strane nadležnog organa nadležnog za poslove turizma.
Dakle, prethodno navedena odredba je u koliziji sa Zakonom o obrtu i srodnim djelatnostima u Federaciji BiH, te je neophodno odrediti tačnu nadležnost organa lokalne samouprave u pogledu donošenja odobrenja za rad svih vrsta turističkih usluga, te kroz poseban član propisati da li fizičko lice koje je položilo ispit za turističkog vodiča kod Federalnog Ministarstva turizma i okoliša, da li isti navedene usluge može pružati na nivou Federacije, na jedinici lokalne samouprave (jedne opštine, grada ili možda više kantona, te kako se u slučaju pružanja navedenih usluga na nivou opštine/gradova određuje nadležnost za donošenje predmetnog odobrenja;

10. U članu 51. Nacrta ostaje nejasno na koji način će se odrediti područje na kojem će turistički vodič obavljati poslove, ukoliko nije propisano da uz zahtjev (član 46.) dostavlja i iskaznicu nadležnog kantonalnog organa;
11. U članu 56. stav (2) utvrđuje se da turističke usluge mogu pružati pravna lica koja ispunjavaju uslove za obavljanje turističke djelatnosti i fizička lica upisana u registar nadležnog organa u skladu sa propisima kojim se reguliše obavljanje obrtničke djelatnosti, kao i lica upisana u druge registre u skladu sa propisima. Ovakvo rješenje prouzrokovati će dodatne probleme u smislu nejasnog statusa do sada registrovanih fizičkih lica koja iznajmljuju smještajne kapacitete i koji su registrovani izdavanjem Rješenja o ispunjavanju minimalno-tehničkih uslova od strane nadležnog organa jedinice lokalne samouprave, a na osnovu pribavljenog zvaničnog stava Porezne uprave Federacije BiH, u kojem se konstatuje da izdavanje smještajnih kapaciteta nije djelatnost niti obrt, pa samim time ne podliježe propisima koji regulišu djelatnost niti obrt, a što je i naglašeno aktom Federalnog ministarstva okoliša i turizma, broj: 06-22-223/08 od 28.02.2018. godine.
- U istom aktu navedeno je da se kod iznajmljivača koji pružaju usluge smještaja, utvrđuju samo minimalno-tehnički uslovi i uslovi za kategoriju (vrsta i kategorija), a ne izdaje se odobrenje za rad. Način i postupak izdavanja Rješenja o odbrenju za rad predviđeno je članovima 64. – 68. predmetnog Nacrta. Sve navedeno zaista unosi nedoumice i skoro sigurno će prouzrokovati nejasnoće i zastoj u jasnom definisanju ove problematike. Od osnivanja Turističke zajednice grada Gračanica do danas, primjetan je pomak u smanjenju nelojalne konkurencije i prisustva „sive ekonomije“ u ovom sektoru u našem gradu, obzirom da je primjetan interes našeg građanstva za registraciju svojim smještajnih kapaciteta, a nekolicina jesu korisnici mirovine, kojima bi ovakvo rješenje predviđeno Nacrtom zakona, onemogućilo pružanje usluga smještaja i na taj način generisanje dodatnih prihoda;
12. U članu 64. stav (2) tačka c.) Nacrta, potrebno je definisati oblik materijalnog dokaza, na osnovu kojeg stranka može dokazati raspoloživa sredstva za pružanje usluga i dokazom o vrijednosti sredstava;
13. U članu 65. Nacrta, tačku b.) „jedinstveni identifikacioni broj“, potrebno je brisati obzirom da u momentu izrade odobrenja za rad, stranka ne posjeduje ID broj jer se isti pribavlja nakon izdavanja pravosnažnog odobrenja za rad. U istom članu definisati tačku d.) - veza primjedba na član 51. Nacrta.
14. Članom 71. Nacrta Zakona, izostavljene su turističke zajednice područja, koje se mogu organizovati modelom DMO-a, a koji je, opet, predviđen Nacrtom Zakona u članu 2. tačka z) i članu 83.
15. U članu 74., glavni prihod i osnov za dalje unapređenje i ulaganje u turizam – članski doprinos, izostavljen je. Nije teško zaključiti da ovo rješenje nije povoljno i ne ide u korak sa ciljem održivog razvoja turizma u Federaciji BiH, obzirom da su, od stupanja na snagu Zakona o turističkim zajednicama Tuzlanskog kantona u 2015. godini, većina gradova i općina sa prostora Kantona osnovale svoje turističke zajednice, te se postavlja pitanje *dostatnosti ostalih prihoda*, koji, kako stvari stoje, neće biti dovoljni niti za tekuće poslovanje, a što dalje vodi ugroženosti mnogih radnih mjesta koja su na ovaj način otvorena. *Prema tome, turističke zajednice na prostoru Tuzlanskog kantona gotovo da sigurno neće moći doprinijeti razvoju turizma u destinaciji.*

16. Dalje, kada se sagledaju sveukupna rješenja predviđena Nacrtom, a vezana su za osnivanje i finansiranje turističkih zajednica, postavlja se pitanje kako će općine ili gradovi sa manjim budžetima, uspjeti finansirati rad ovih pravnih lica. To dalje vodi upitnosti postojanja osnovanih turističkih zajednica na nivou jedinica lokalne samouprave, a s tim u vezi i rad na unapređenju ukupnog turističkog proizvoda. Time se upravo direktno utiče na nemogućnost održivosti ove, za Tuzlanski kanton, možda i najznačajnije privredne grane i direktnoj ugroženosti radnih mjesta.
17. **Mišljenja smo da članski doprinos treba postojati, upravo kao širi izvor finansiranja rada turističkih zajednica, a koji bi svakako bio podložan promjenama koje bi značile uspostavu modaliteta koji bi bio prihvatljiv za sve obveznike, i u skladu sa djelatnostima koje isti obavljaju.**

Danas razvoj turizma u BiH, pa i u Federaciji, rezultat je organskog rasta i inicijative uglavnom privatnog sektora koji često nastupa na tržištu samostalno s malim stepenom integracije i inovacija. Dugoročni razvoj žrtvujemo radi kratkoročnih aktivnosti, a često smo vođeni i interesima privatnih investitora, a ne zajednice. Činjenica je da privatni i javni sektor nemaju kompatibilne ciljeve, a ciljevi privatnih investitora i jesu - profit nasuprot javnog dobra.

Turizam kao najbrže rastuća privredna grana u Tuzlanskom kantonu zaslužuje više „sluha“ i političke podrške. Sektor turizma stoga zahtijeva hitnu podršku i posebne pakete za ublažavanje posljedica, kako bi se održala radna mjesta i osigurali tržišni kapaciteti, u toku i nakon prestanka vandrednog stanja.

Svjetska turistička organizacija Ujedinjenih naroda (UNWTO) u svojim dokumentima #Travel Tomorrow – Potpora očuvanju radnih mjesta i gospodarstvu kroz putovanja i turizam i Poziv na akciju za ublažavanje društveno-gospodarskog učinka virusa Covid-19 i ubrzavanje oporavka, upravo daje zadatak nacionalnim vladama da na sve moguće načine podstaknu i ubrzaju oporavak ove značajne privredne grane.

NACRT ZAKONA O BORAVIŠNOJ TAKSI U FEDERACIJI BiH


Nacrtom Zakona o boravišnoj taksi Federaciji BiH iz decembra 2021. godine (u daljem tekst: Nacrta), odnosno njegovim odredbama, još više su prisutne nedoumice. Naročito zbog toga što:

1. Članom 10. Nacrta Zakona, utvrđuje se a se sredstva prikupljena po osnovu boravišne takse uplaćuju na račun javnih prihoda Federacije, kantona i jedinica lokalne samouprave i vode se na posebnom namjenskom računu budžeta Federacije BiH. Boravišna taksa je do sada predstavljala direktan prihod turističke zajednice, i mišljena smo da tako treba i ostati.
2. Članom 11. stav (2) Nacrta utvrđuje se da su jedinica lokalne samouprave, kanton i Federacija obavezni odrediti račun posebnih namjena na koji će se ova sredstva doznačavati, što predstavlja komplikacije u smislu dodatnih administrativnih procedura i neefikasnosti u poslovanju.
3. Članom 12. stav (3) utvrđeno je da se sredstva prikupljena po osnovu boravišne takse ne mogu koristiti za finansiranje troškova materijalnog poslovanja turističkih organizacija (ne organizacija, nego zajednica) niti za isplatu plata i ostalih naknada zaposlenima u turističkim zajednicama. Mišljena smo da ovakvo rješenje nije povoljno, upravo zbog postojanja gradova i općina koje operiraju sa skromnijim

budžetima. i kojima će finansiranje troškova na ime isplata plata i drugih naknada zaposlenicima turističkih zajednica, biti značajno opterećenje.

4. U pregledu prihoda Turističke zajednice grada Gračanica, vidljivo je da pripadajući iznos boravišne takse iznosi nešto više od 10% ukupnog budžeta, tako da se postavlja pitanje hoće li se radna mjesta u ovim pravnim licima uopšte moći održati, i ako da, na koji način!? To dovodi do neizvjesnosti za sve zaposlenike turističkih zajednica, od kojih su većina mladi i školovani ljudi, i kojima bi ovakvim rješenjima, bila dovedena u pitanje radna mjesta.
5. Rješenje koje bi eventualno bilo povoljnije, jeste prenamjena utroška sredstava ostvarenih na ime boravišne takse, na način da se na dio tih sredstava utvrdi procenat u okviru kojeg će se ova sredstva moći koristiti troškove plata i drugih naknada zaposlenika.

S poštovanjem



Mišljenje Općine Olovo na Nacrt zakona o turizmu Federacije BiH i Nacrt zakona o boravišnoj taksi Federacije BiH, kao i mišljenje o fiskalnoj procjeni pomenutih akata sa pripadajućim obrazscem IFP-DA.

Merisa Kaljanac - Općina Olovo <privreda@olovo.gov.ba>
Tue 18/01/2022 15:43

Poštovani,

Nakon što je Općina Olovo uputila poziv za dostavljanje komentara i mišljenja na Nacrt Zakona o turizmu FBiH i Nacrt zakon o boravišnoj taksi FBiH zaprimljena je samo jedna primjedba i to od ugostiteljskog objekta „Panorama“ Olovo. Primjedbu prenosim u cijelosti:

- knjiga boravišne taksi ranije nije vođena. Evidencijom gostiju na smještaj u knjigu gostiju domaćih i stranih te dostavljanjem izvještaja mjesečno o uplaćenju boravišnoj taksi turističkoj zajednici, smatram da je nepotrebno uvoditi još knjigu evidencije boravišnih taksi
- u nacrtu zakona o turizmu nisam našao u koji razred ili koju grupu bi spadala opština Olovo. Prethodnom raspodjelom naša opština je bila u razredu "A" a kriteri po kojima se tada raspoređivala pojedina opština u koji razred bio je broj smještajnih jedinica u odnosu na broj zaposlenih u opštini. Tada sam utvrdio da smo greškom stavljeni u razred "A" u odnosu na razred "C" u koji smo trebali biti razvrstani.

S poštovanjem!

Merisa Kaljanac, dipl.oec
Pomoćnica Općinskog načelnika

Općina Olovo
Služba za ekonomske poslove
Branilaca Olova bb
71340 Olovo

Telefon: 032/829-567
Faks: 032/829-568
e-mail: privreda@olovo.gov.ba
www: olovo.gov.ba



Broj: 01-04-21-18-86/22
Datum: 14.01.2022.g.

Savez općina i gradova
Federacije Bosne i Hercegovine

Broj: 50/22

Datum: 19.01.2022. god

SAVEZ OPĆINA I GRADOVA FBiH
SARAJEVO

Predmet: Primjedbe na Nacrt Zakona o turizmu Federacije Bosne i Hercegovine

Vezano za Nacrt Zakona o turizmu Federacije Bosne i Hercegovine dostavljamo primjedbe i sugestije kako slijedi:

Član 33. stav (3) u suprotnosti je sa stavom (1) i (2) istoga člana kada je u pitanju oblik lica (pravno ili fizičko). U stavu (1) i (2) navedenog člana propisano je da Putnička agencija kao organizator može biti samo kao pravno lice.

Član 56. stav (2) iza riječi "člana ovoga Zakona", a prije riječi "i fizička lica" treba brisati riječi "i lica".

Član 65. na kraju tačke b) dopisati "za pravno lice" jer jedinstveni identifikacijski broj fizičko lice dobija tek nakon izdatog odobrenja za rad, izdatog od strane nadležnog organa.

U članu 74. Stav (1) dodati tačku d) koja glasi: "Članski doprinos koji plaćaju pravna i fizička lica koji obavljaju ugostiteljske i turističke djelatnosti, te s turizmom neposredno povezane djelatnost".

U članu 74. dodati Stav (4) koji glasi: "Pravilnik o načinu plaćanja članskog doprinosa i raspoređivanje istog će propisati ministar."

Član 78. Stav (2) mijenja se i glasi: "U nadzorni odbor se imenuje jedan predstavnik ispred osnivača, a ostali članovi se imenuju iz reda naučnih i stručnih lica iz oblasti turizma".

S poštovanjem,

Obradile: Elma Pružan, dipl.ing.šum.
Željka Frlić, dipl.iur.

N A Č E L N I K

dr.sci.Kenan Dautović
PO OVLAŠTENJU NAČELNIKA
SEKRETAR OPĆINE

Aida Daut, dipl.iur.

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO OKOLIŠA I TURIZMA

N/r: g-đa Edita Đapo, ministrica
VEZA: Vaš akt broj: 06-02-22-492-1, 493-2/16/21
PREDMET: Mišljenje, dostavlja se

Poštovana,

Federalno ministarstvo okoliša i turizma je aktom broj: 06-02-22-492-1 od 22.12.2021. godine zatražilo mišljenje Saveza općina i gradova FBiH na Nacrt zakona o turizmu Federacije BiH i Nacrt zakona o boravišnoj taksi Federacije BiH, kao i mišljenje o fiskalnoj procjeni pomenutih akata sa pripadajućim obrazscem IFP-DA.

Primjedbe i prijedloge Općine Stari Grad Sarajevo na pomenute nacрте zakona i fiskalnu procjenu dostavljamo Vam u prilogu.

Po pitanju Vašeg poziva za konzultacijama o Nacrtu zakona o turizmu Federacije BiH i Nacrtu zakona o boravišnoj taksi Federacije BiH, *Savez općina i gradova FBiH* traži da se u najvećoj mogućoj mjeri uvažе sva mišljenja, primjedbe, komentari i stavovi jedinica lokalne samouprave u Federaciji BiH.

Dostavljeno:

- Naslovu
- a/a

DIREKTOR SAVEZA



Musala 5/I 71000 Sarajevo

Tel: +387 (0)33 216 502; +387 (0)33 209 024; +387 (0)33 209 120; +387 (0)33 552 811
Fax: +387 (0)33 552 810; +387 (0)33 216 502 / Email: savez@sogfbih.ba / Web: www.sogfbih.ba



SLUŽBA KABINETA OPĆINSKOG NAČELNIKA

Broj: 01-04-4-108/21
Sarajevo, 17.01.2022. godine

**SAVEZ OPĆINA I GRADOVA
FEDERACIJE BOSNE I HERCEGOVINE**

ul. Musala br. 5
71000 Sarajevo

Predmet: Mišljenje o Nacrtu Zakona o turizmu Federacije Bosne i Hercegovine i Nacrtu Zakona o boravišnoj taksi Federacije Bosne i Hercegovine, dostavlja se

Poštovani,

Postupajući po dopisu Saveza općina i gradova Federacije BiH, koji je dostavljen putem e-maila, dostavljamo mišljenje na tekst Nacrta Zakona o turizmu Federacije Bosne i Hercegovine i Nacrtu Zakona o boravišnoj taksi Federacije Bosne i Hercegovine.

Obzirom da je Ustavni sud Federacije Bosne i Hercegovine, odlučujući o zahtjevu zamjenika Premijera Vlade Federacije Bosne i Hercegovine i federalnog ministra poljoprivrede, vodoprivrede i šumarstva za utvrđenje ustavnosti Zakona o turističkim zajednicama i promicanju turizma u Federaciji Bosne i Hercegovine, te Uredbe o članarinama u turističkim zajednicama, na osnovu člana IV.C.10. Ustava Federacije Bosne i Hercegovine, nakon provedene javne rasprave, na sjednici održanoj dana 03.07.2014. godine, donio Presudu, broj: U-34/13, kojom se utvrđuje da Zakon o turističkim zajednicama i promicanju turizma u Federaciji Bosne i Hercegovine ("Službene novine Federacije BiH", br. 19/96 i 28/03), nije suglasan Ustavu Federacije BiH, podržavamo Nacrt Zakona o turizmu Federacije Bosne i Hercegovine, kojim je regulisana i naprijed navedena materija, a na način koji nije suprotan donesenoj presudi Ustavnog suda Federacije Bosne i Hercegovine.

Saglasni smo sa tekstom Nacrta Zakona o turizmu Federacije Bosne i Hercegovine, jer se istim ne umanjuju prava Općine na lokalnu samoupravu koja proističu iz odredbi Ustava FBiH, Evropske povelje o lokalnoj samoupravi i Zakona o principima lokalne samouprave („Službene novine Federacije BiH“, broj: 49/06 i 51/09), a posebno cijeneći i odredbe člana 11. Nacrta Zakona o boravišnoj taksi Federacije Bosne i Hercegovine, koji je usko vezan uz ovaj Zakon, uz prijedloge korekcija pojedinih odredbi kako slijedi:

- U članu 24. Zakona o turizmu Federacije Bosne i Hercegovine, predlažemo da stav (2) glasi:

„ (2) Rješenje iz stava (1) ovog člana izdaje se na osnovu zahtjeva fizičkog ili pravnog lica uz koji se prilaže izjava o ispunjenosti uslova iz člana 15. stav (2) ovog zakona“

(u članu 15. stav (2) Zakona je navedeno da je turistički subjekt dužan da uz zahtjev za izdavanje rješenja za obavljanje turističke djelatnosti priloži ovjerenu pisanu izjavu da su ispunjeni propisani uslovi u pogledu prostora, uređaja, opreme i zaposlenih lica, te smatramo da je pogrešno pozivanje na član 14. stav (2) citiranog Zakona).

- U članu 25. stav (1) tačku e), koja glasi:“ podatke o veličini i opremljenosti poslovnog prostora“, (koji se dostavljaju uz zahtjev za izdavanje rješenja za obavljanje djelatnosti putničke agencije organizovane kao pravno lice), **potrebno je precizirati** na način da se tačno navede da li se radi o dostavljanju izjave iz člana 15. stav (2), ovog zakona.
- Također, u članu 25. stav (2) tačku d), koja glasi:“ podatke o veličini i opremljenosti poslovnog prostora“, (koji se dostavljaju uz zahtjev za izdavanje rješenja za obavljanje djelatnosti putničke agencije organizovane kao fizičko lice upisano u registar kod nadležnog organa), **potrebno je precizirati** na način da se tačno navede da li se radi o dostavljanju izjave iz člana 15. stav (2) ovog zakona.

Povodom Prijedloga Zakona o boravišnoj taksi Federacije Bosne i Hercegovine, saglasni smo da će predložena zakonska rješenja u značajnijoj mjeri doprinijeti boljoj učinkovitosti sistema, kao i boljoj koordinaciji i svrsishodnijem trošenju sredstava prikupljenih naplatom boravišne takse cijeneći, između ostalog, odredbu člana 11. citiranog Zakona kojom je propisano da bi raspored prihoda išao u korist Općine, kao jedinici lokalne samouprave. Iznos od 80% naplaćenih naknada po osnovu boravišne takse uplaćivao bi se na račun Općine i taj prihod je isključivo namjenski i može se koristiti samo za namjenu regulisanu u članu 12. Zakona, te ukoliko isti bude usvojen u predloženom tekstu, Općinama će biti omogućeno finansiranje projekata iz oblasti turizma, od prihoda ostvarenih po osnovu boravišne takse, a za koje su u proteklom periodu izdvajale sredstva iz općinskih budžeta.

S poštovanjem,

Stručna obrada: Šehović Abid, Stručni savjetnik za normativno-pravne poslove
Rukovodilac Službe kabineta Općinskog načelnika: Bogunić Amela

Dostaviti:

1. Naslovu
2. Sekretar organa državne službe
3. Evidencija



Almasa Džendo

POSALA 06 FC 335

From: FMOIT - Federalno ministarstvo okoliša i turizma
Sent: 25. januar 2022 12:49
To: Almasa Džendo; Sabina Salihbegović
Subject: FW: Nacrt zakona o turizmu FBiH i Nacrt zakona o boravišnoj taksi FBiH

Dejan Knežević, dipl. iur
Federalno ministarstvo okoliša i turizma
Hamdije Čemerlića br. 2, Sarajevo
Email/ Dejan.Knezevic@fmoit.gov.ba
Kontakt: 033 /726-737; Mobitel: 061/ 299-203

Dejana I. Hercegović
Federacija Bosne i Hercegovine
FEDERALNO MINISTARSTVO OKOLIŠA I TURIZMA

Primljeno:	25.01.2022	
Org. jed.	Broj	Priloga

From: Halko Basarić <halko@sogfbih.ba>
Sent: Tuesday, January 25, 2022 9:36 AM
To: FMOIT - Federalno ministarstvo okoliša i turizma <fmoit@fmoit.gov.ba>
Cc: brotnjo@citluk.ba
Subject: Fw: Nacrt zakona o turizmu FBiH i Nacrt zakona o boravišnoj taksi FBiH

OC

Poštovani,

Federalno ministarstvo okoliša i turizma dostavilo je Savezu općina i gradova FBiH aktom broj: 06-02-22-492-1 od 22.12.2021. na davanje mišljenja od strane općina i gradova Nacrt zakona o turizmu i Nacrt Zakona o boravišnoj taksi FBiH.

Saveza općina i gradova FBiH je aktom broj: 56/22 od 20.01.2022. dostavio mišljenja sljedećih jedinica lokalne samouprave: Općina Stari Grad Sarajevo, Općina Travnik, Općina Olovo, Općina Kalesija, Grad Tuzla, Grad Gračanica.

Naknadno je i Općina Čitluk dostavila mišljenje koje se nalazi u nastavku ovoga maila, te vas ovim putem molimo da uvažite i mišljenje Općine Čitluk s obzirom na razvijenost turističkog sektora u ovoj Općini, kao i uticaj koji ovi zakoni mogu imati na ovu djelatnost od značaja za Općinu. Općina nije mogla dostaviti traženo mišljenje na vrijeme, zbog uticaja pandemije COVID-19 na rad općinske administracije. Ukoliko je mišljenje potrebno dostaviti i u pisanoj formi, molim vas da nas o tome obavjestite.

Hvala i srdačan pozdrav

Halko Basarić

Halko Basarić
Viši saradnik za finansije
Savez općina i gradova Federacije BiH
Adresa: Musala 5/1, 71000 Sarajevo
Tel: +387 33 216 502
Fax: ++ 387 33 552 811
www.sogfbih.ba

From: Ured načelnika - Općina Čitluk <brotnjo@citluk.ba>
Sent: 24 January 2022 10:45
To: Halko Basarić <halko@sogfbih.ba>
Subject: RE: Nacrt zakona o turizmu FBiH i Nacrt zakona o boravišnoj taksi FBiH

Poštovanje Halko!

Znam da smo dobro zakasnili na odgovor na ovo pitanje, a li dosta nas je bilo pod koronom, ja čak i drugi put, pa nisu stigle kolegice i kolege odgovoriti na ovaj tvoj upit, a bila nam je i revizija od 10.14.1.2022., pa ako nije kasno evo neke primjedbe bar na ovaj jedan zakon:

U vezi **nacrta Zakona o boravišnoj pristojbi**, dostavljamo Vam naše prijedloge i primjedbe na isti i to:

1.) U članku 12. stavak (1), nacrta Zakona, dodaju se nove točke d) i e) koje glase:

"d) Sredstva Turističke organizacije gradova ili općina koriste za turističku infrastrukturu i poboljšanje uvjeta boravka turista na temelju prethodno usvojenog Programa rada i financijskog plana turističke organizacije (pješačke staze, čišćenje, uređenje i održavanje hortikulture na javnim površinama, popravak i održavanje javne rasvjete itd.).

e) Sredstva Turističke organizacije gradova ili općina mogu se koristiti za organiziranje sportskih i kulturnih manifestacija u funkciji razvoja turizma."

2.) U članku 12. stavak (3), nacrta Zakona, mijenja se i glasi:

"(3) Sredstva prikupljena po osnovu boravišne takse mogu se koristiti za financiranje materijalnih troškova iz članka 11. ovog zakona i za isplatu plaća i ostalih naknada, maksimalno do 20 % ostvarenih prihoda od boravišne pristojbe u tekućoj godini."

3.) U članku 16., u stavku (1), u prvom retku, riječi: "pet dana", zamjenjuju se s riječima: "deset dana".

4.) U članku 26. stavak (1) točka b), nacrta Zakona, mijenja se i glasi:

"b) Sredstva boravišne pristojbe utroši za financiranje troškova materijalnog poslovanja, kao i za isplatu plaća i ostalih naknada zaposlenima u turističkoj organizaciji iznad 20% ostvarenih prihoda od boravišne pristojbe u tekućoj godini."

S poštovanjem,

Mario Rozić, dipl.iur., općinski tajnik

OPĆINA ČITLUK

Trg žrtava Domovinskog rata 1; 88260 ČITLUK-BiH

tel: +387 36 640-525

fax: +387 36 640-537

e-mail: brottnjo@citluk.ba

web: www.citluk.ba



Mislite na zaštitu prirode, ne ispisujte ovu poruku ako nije neophodno!

----- Izvorna poruka -----

Šalje: Halko Basaric <halko@sogfbih.ba>

Datum: 05. 01. 2022. 10:19 (GMT+01:00)

To:

Predmet: Nacrt zakona o turizmu FBiH i Nacrt zakona o boravišnoj taksi FBiH

Postovane/i

Savezu općina i gradova FBiH dostavljeno je od strane Federalnog ministarstva okoliša i turizma na davanje mišljenja od strane općina i gradova u FBiH Nacrt Zakona o turizmu FBiH i Nacrt zakon o boravišnoj taksi FBiH. Također, u skladu sa Pravilnikom o proceduri za izradu izjave o fiskalnoj procjeni zakona, drugih propisa i akata planiranja na budžet, dostavljeni su i izjave o fiskalnoj procjeni, za koje su također traženi komentari.

U prilogu ovoga emaila nalaze nacrti dva pomenuta zakona, kao i izjave i fiskalnoj procjeni dva pomenuta akta.

S obzirom da je Ministarstvo ostavilo rok do 21.01.2021. za dostavljanje mišljenja na pomenute dokumente, zamolio bih vas da komentare i mišljenje dostavite Savezu do 17.01.2021., kako bi mogli biti objedinjeni i dostavljeni Ministarstvu.

Srdačan pozdrav

Halko Basarić

Halko Basarić

Viši saradnik za finansije

Savez općina i gradova Federacije BiH

Adresa: Musala 5/1, 71000 Sarajevo

Tel: +387 33 216 502

Fax: ++ 387 33 552 811

www.sogfbih.ba